

# ՀՈՒՆԱՍՏԱՆԻՑ ՍՈՎԵՏԱԿԱՆ ՀԱՅԱՍՏԱՆ ԺԱՄԱՆԵՑ ՀԱՅԵՐԻ ՄԻ ՄԵՐ ԽՈՒՄԲ

Օրերս Հունաստանից Սովետական Հայաստան ժամանեց հայերի մի խումբ՝ կազմված 2.380 մարդուց: Նրանք մի նամակով դիմել են Հայաստանի Կ(Բ)Պ Կենտկոմի քարտուղար ընկ. Գր. Հարությունյանին, որտեղ իրենց անսահման երախտագիտությունն են հայտնում սովետական կառավարությանը, բաղնիկների պարտիային և մեծ Ստալինին, որ հնարավորություն ստացան երկարատև սլանդիտությունից, թափառումներից և վարած դժնդակ կյանքից հետո վերադառնալ իրենց հայրենիք՝ Սովետական Հայաստան: Այդ մասին նրանք իրենց նամակում գրում են.

— Տասնյակ տարիներ թափառելով երկրից-երկիր, անտուն և անօթևան, անտեր ու անսրաշտպան, հայրենիքից հեռու, հեռու մեր հարազատներից, սլաքարել ենք օտարերկրյա բռնակալների դեմ և անընդհատ երազել ենք ու փափագել վերադառնալ հայրենի օջախ, հայրենի հող և ահա այսօր կատարվեց մեր տասնյակ տարիների երազը: Այդ կատարվեց շնորհիվ ժողովուրդների իմաստուն առաջնորդ, հայ ժողովրդի բարեկամ մեծ Ստալինի հայրական հոգատարության:

Նրանք նամակը վերջացնում են ընկեր Ստալինին ուղղված ողջունի հետևյալ խոսքերով.

— Թող երկա՛ր ու երկա՛ր ապրի ժողովուրդների հայր, հայ ժողովրդի բարեկամ մեծ Ստալինը:

Նամակը Հունաստանից վերադարձած հայերի հանձնարարութեամբ ստորագրել են ընկ. ընկ. Թափսյանը, Քեկյանը, Բահրազյանը, Մաբկոսյանը, Սաբգիսյանը, Աղասյանը և Սեֆիրյանը: